



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

Fides sine dilectione & vnitate quid sit. tit. 40

**urn:nbn:de:hbz:466:1-29452**

habet vsum fidei propter infirmitatem nature, intellectus & confessionis, habet tamen eam mentem, quod possit credere, quando accesserit ratio. Sicut dormiens etiam habet fidem, licet non habet vsum quando dormit.

Quarto, inquis: Si virtus alienae fidei tanta est, ut etiam mortuis prosit, Matt. 9. de filia principis &c. ergo redibit error tempore Pauli 1. Corinth. 15. quo aliqui baptizabantur sepius pro se & etiam pro mortuis &c. Respond. Non est simile: Princeps ille credidit in Christum, & quoque filia sua, ideo rogat pater, ut Christus potentia diuina eam resuscitet: ideo dixit, Veni, & impone manum tuam: non hoc tribuit suae fidei, sed potentiae diuinae Christi. At error hic fuit tempore Pauli, quod baptismus opere operato, propria virtute, mundaret mortuos etiam non fideles in futurum Christum: ideo Paulus non approbat illum errorem &c. Patet ergo.

*FIDES SINE DILECTIONE  
& vnitate quid sit.*

TITVLVS XL.



TRIA sunt notanda. Primo, qualis res sit fides sine dilectione: Secundo, Quomodo Deus rejicit talem fidem: Tertio, quae sunt eius fructus.

PRIMO, fides sine dilectione, est res sine vita & operatione, ut ignis sine calore, carbo sine igne, aqua sine humiditate, arbor sine fructu: sic fides sine dilectione confitetur ore Deum, facto negat, Ad Tit. 1. Edulus sonans, & cymbalum tinniens, ubi post nihil sequitur, 1. Corinthior. 13. Sic post fidem sine dilectione nihil sequitur.

Secundo, Quoniam Deus praecipit, Exod. 20. nomen suum in vanum sumatur in os. Nec in fontem habebit

habeat &c. qui nunc dicit se fidelem & diligere Deū, & tamen odit fratrem, Ioan. 4. mendax est. Non ergo Deus hanc fidem, quæ habet odium proximi: qui enim odit fratrem, adhuc est in morte, 1. Ioan. 3. id est, hæc fides mortua est, nondum accepit vitam gratia à Deo. Ideo præceptum est idem & æquale, credere in filium, & diligere proximum, 1. Ioan. 3. Hæc duo nolunt separari. Ergo ubi deest dilectio, Deus hanc fidem rejicit. Nullum præterea opus, sacramentum, fides, efficax est, ubi deest dilectio, ut docet Apostolus 1. Corinth. 13. Hanc fidem commendat scriptura, quæ per dilectionem operatur, Galat. quinto. Ideo fides sine dilectione, id est, operibus mortua est, Iacob. secundo.

Tertio, dicit Christus, ut agnoscamus arborem à fructibus, Matth. 7. Quia ergo sectæ etiam volunt habere dilectionem erga iuos, & sic habere fidem & dilectionem, hinc Apostolus 1. Corinthior. 13. distinguit fructus fidei cum dilectione, & fidei sine dilectione, & dicit primo, quod fides sine dilectione est impatiens, & non benigna, id est, tumultuatur, fulgurat, &cæt. Secundo, Aemula est, & inuida, & agit perperam, inflatur reputans se omnibus meliorem, est ambitiosa. Tertio, quærit quæ sua sunt, & irritatur, commouet alios in odio, cogitat malum, id est, loquitur, detrahit proximo. Quarto, gaudet super iniquitate & falsitate. Hæc enim sunt fructus fidei sine dilectione, quos quotidie experimur in sectarijs.

E diuerso, Fides in dilectione & vnitate patiens est, omnia suffert, si persecutionem patiatur. Omnia quæ Catholica Ecclesia & vniuersalis ordinauit, credit: & ipsa credit de redemptore Christo, & illius sanctis æqualiter & vniiformiter: non quærit singularitatem, sed quiescit in obedientia vniuersalis Ecclesiæ: omnia sperat, quod Deus omnia iuste facit & permittit, & cōsolabitur tandem: omnia sustinet, verba, operibus

probria: audit correctionē, & sequitur meliora: summa, fides in dilectione non est sui iuris, sed subijcitur per omnia obedientiæ Ecclesiæ, & illam audit, Mat. 18. Fides igitur sine dilectione nihil prodest, sicut Christus Mat. 7. respondit illis, qui dixerunt, Domine, in nomine tuo prophetauimus, miracula fecimus, &c. Sed quoniam extra dilectionē hæc fecerunt, audiunt. Discedite à me operarij iniquitatis &c. Sicut igitur fides est necessaria ad salutem, sic etiā charitas & lectio, &c. quia ambæ præcipiuntur, I. Ioan. 3.

*FIDES IN QUEM FINEM  
dicitur à Paulo, gratis iustificare  
peccatorem.*

## TITVLVS XXXXI.



Rimò, quoniā iuxta cursum mundi, nemo præstat aliquod beneficium nisi præcedente merito. Et sic etiam ratio humana cõcludit, si meretur apud Deū operibus & præceptis legis Dei, tūc iustificaberis: ergo oportet præcedere meritum operum, iustificationem. Sic volunt Iudæi & omnes increduli.

Subindè, quoniam legi nemo satisfacit perfectè idèò conscientia manet incerta, etiam si legem iuxta omnem possibilitatem quis fecerit, Rom. 4. Lex inoperatur: Sed quoniam alia res est cum Deo, qui ipsam beneficij accipit à seipso, & non à nostro merito sed ex misericordia, qua elegit nos ante constitutionem mundi, Ephe. 1. Idèò inquit Apostolus, quod gratia sine omni præcedenti merito nostro, solùm propter Christū iustificamur, Rom. 3. Per fidem, & quod fides in promissionem nos certificat: ut igitur conscientia turbata certificetur, idèò dicit Paulus quod peccator gratis per fidem iustificatur.

Secundè